

Universitätsbibliothek Paderborn

Joannis Bonae, Eminentissimi S. R. E. Titulo S. Bernardi Ad Thermas Cardinalis Presbyteri Opera Quotquot hactenùs separatim edita fuerê Omnia

Bona, Giovanni Antverpiae, 1677

VIII. Testamentum.

urn:nbn:de:hbz:466:1-10805

TESTAMENTUM

Quo se continuò præparavit ad Mortem

FR. JOANNES

à S. CATHARINA Cognomento BONA

Ordinis Cisterciensis in congregatione Italica magnum decus, humilis Monachus,

Ex Monacho ABBAS Generalis, & demum ex Generali titulo S. BERNARDI ad Thermas

S.R.E. PRESBYTER CARDINALIS.

APPROBATIONES.

Placeat Domino Matthæo de Strozzis Can. Flor. ac Sacræ Theologiæ Lectori perlegere, an in isto opere aliquid sit contrarium Sanctæ Fidet, & bonis moribus, & referat. Datum 28. Augusti 1675. Alex. Puc. Vicar. Gener. Fl.

In hoc E M IN. CARD. BON Æ Testamento, nihil contrà sidem; sed omnia in attestationem veræ sidei, & ad hæreditatis æternæ consecutionem tabulis hisee cœlestibus legitimè consegnata reperi. Quare ego minimus inter sideles, non ut testis rantum, sed ut novus etiam ipse testator meæ mentis, & intimæ erga Deum & homines voluntatis, attestationem refero.

Matthæus Strozza Can. Flor. Sacr. Theolog. Lector.

In lucem edatur servatis servandis. Dat. 4. Sept. 1675.

Alex. Puc. Vic. Gen. Fl.

Adi, 5. Septemb.

D'ord. del P. Reu. Inq. Il Pad. Conf. Biagio Dolci Min. Offer. vegga, eriferisca.

Fra. Cæsare Pall. Canc. del S. Off. di Fir.

Rever. Pater.

Testam. EMIN. CARD. BONE à me diligenter lectum es consideratum expers ab omni navo crroris tum contra nostram sanctam Fidem Catholicam, tum contra bonos mores inventum est, maxima-que utilitatis suturum, si typis mandetur.

Fr. Blasius de Dulc.

Impr. Fr. Franc. Maria Vic. Gen. S. Off. Flor. S. Off. Conf.

Matth. de Merc. Adu. pro Ser. Magno Duce Etrur.

Hhhhhhh 2

TE-





TESTAMENTUM

PRÆPARATIO AD MORTEM.

Vigilate quià nescitis diem neque horam. Matth. 25.

In nomine Sanctissima & individua Trinitatis, Patris, & Filii, & Spiritus Sancti. Amen.



inconfulto vivencium, nihil damnabilius, nihil nocentius, quam quod plerique mortalium, cum certò feiant

fe morituros, diem verò vel horam migrationis igno-rent, nunquam tamen de morte recogitant, nunquam se ad illud terribile momentum præparant, à quo pendet æternitas, ac si pactum cum inferno pepigiffent, & mors ad iplos nullo modo pertineret. Quod vitium commune nostræ mortalita-tis sæpè considerans ego infra scriptus, humilis Monachus, & indignus peccator; vocemque Salvatoris audiens, quâ nos hortatur ad vigilandum, quia nescimus diem neque horam; memor item Scripturæ præcipientis, Memento Creatoris tui in diebus juventutis tuæ, antequam veniat tempus affictionis, & revertatur pulvis in terram suam. Cum præsertim viderem amicos meos, paucis antè diebus repentina morte sublatos, in manus Dei viventis incidisse: ne mihi contingat subito hinc tolli, & ad tribunal distrieti judicii cum fordibus iniquitatum mearum perduci; statui & dectevi; dum sensus vigent cor-poris & vires animæ, ea quæ sunt novissima (Divina favente gratia) providere, & mean ultimam voluntatem, in hunc qui sequitur modum,

Timor enim & tremor venerunt super me, comprehenderunt me laquei mortis, dolores inferni circumdederunt me, quia omnia in futurum refervantur incerta, nescitque homo amorene vel odio dignus sit. Tinniunt aures cordismei à voee conitrui magni terribiliter intonantis : Oportet nos præsentari antè tribunal Christi, ut refe.

Nter multos eosque gravis- rat unusquisque quæ gessit in corpore suo, sive simos errores, temere & bonum, sive malum. Metuo diem extremam tribulationis & angustiæ, diem calamitatis & mi-seriæ, diem tenebrarum & caliginis, in qua si Justus vix salvabitur, ego impius, ego scelestus, ego maximus peceator, ubi apparebo? Contre-misco valde à dentibus bestiæ infernalis, à rugentibus præparatis ad escam; & cupio antè

mortem mature mori, ne moriar in æternum. CHRISTI igitur Redemptoris nomen invoco, ante thronum Divinæ Majestatis toto corde & corpore prostratus, in præsentia Dei-para Virginis, quæ Mater misericordiæ jure vocatur, atque Angeli mei Custodis, S. Michaëlis Principis Ecclesia, astantibus etiam, atque in speculo lucidistimo Divini Verbi hæc omnia audientibus & videntibus Divis, Joanne Baptifia Præcuriore Domini, Petro Principe Apostolorum, Joanne Evangelista & Apostolo magis directo; Benedicto Monachorum Patre, Virgine & Martyre Catharina, Roberto Cistertii In-stitutore, & Bernardo Doctore Mellissuo, & Glorioso Stephano Sancto Pontifice & Martyre; quos omnes humillimè deprecor, uthuic meæ ordinationi, propofito, & voluntati testes infallibiles assistant. Fidem in primis, quam corde ad justiriam teneo, sic ore consiteor ad salutem.

Credo & profiteor, quod unus est Deus verus, omnipotens, immutabilis & incomprehensibilis, ineffabilis & æternus, PATER, & FILIUS, & SPI-RITUS SANCTUS; Pater Unigenitus, Filius à solo Patre genitus, Spiritus Sanctus à Patre & Filio æternaliter procedens; non ficut à duobus principiis aut duabus spirationibus, sed ab utroque tamquam ab uno principio & unica spiratione. Hæ tres Personæ sur unus Deus, non tres Dii; una essenția, una substantia, una

immensitas, unum principium. Nullus alium, aut præcedit æternitate, aut excedit magnitudine, aut superat potestate; sed absque initio & sine sine, Pater est generans, Filius nascens, Spiritus Sanctus procedens.

Hæc Sanctissima TRINITAS, secundum communem essentiam individua, & secundum personales proprietatea discreta, sua omnipotenti virtute & bonitate, omnem de nihilo ab initio temporis condidit creaturam, spiritualem & corporalem, angelicam & mundanam; ac deinde humanam, quali communem, ex spiritua & corpore constitutam. Et Deus quidem omnia valde bona creavit, sed diabolus & alii dæmones ipsi per se fasti sint mali; homo verò diaboli sug-

gestione peccavit.

Credo item & profiteor, quod Unigenitus Dei Pilius, Patri confubstantialis, femper cum Patre & Spiritu Sancto existens, in plenitudine tempotis, (ut à peccato Ada ac caterarum culparum fordibus nostram animam emundaret, & nos à pœnis inferni liberaret) incarnatus est de Spiritu Sancto in utero immaculato Beatæ semper Virginis MARIÆ; naturamque hominis veram & integram assumpsit, corpus videlicet & animam rationalem in unitate personæ Divinæ: tanta unitate, ut unus & idem Christus sit Deus & homo, Dei filius & hominis filius; ita quod una natura non confunditur cum alterà, nec una transit in alteram, nec una miscetur alteri, nec altera evanescit; sed in persona omnino una sint duæ perfectæ naturæ, Divina scilicet & Humana, duæ voluntates, duæ operationes, ita ut Chri-Aus sit tantum unus ; & sicut formam servi Dei forma non ademit, ita formam Dei servi forma non minuit. Qui enim verus Deus est, idem verus est homo: Deus per id quod in principio erat Verbum, & Verbum erat apud Deum, & Deus erat Verbum: Homo per id quod Verbum caro factum est & habiravit in nobis; unus & idem, secundum Divinitatem æqualis æterno Patri & immortalis; secundum verò humanitatem minor Patre, mortalis, & passibilis homo. Hunc verò prædico natum ex Maria Virgine , & ideò ipfam Virginem fateor Dei Matrem elle appellandam. Firmiter etiam credo omnia & fingula quæ continentur in Symbolo fidei, à trecentis decem & octo Patribus in Concilio Nicano, & à centum

dito, ac semper in Ecclesia inviolate custodito.

Ponatur hic Symbolum Santte Fidei.

Credo in unum Deum, &c.

quinquaginta in Concilio Constantinopolitano tra-

Credo & profiteor, nullum unquam hominem, ex femine Adæ conceptum & natum, fuiffe salvatum aut fort salvandum, nisi per sidem Mediatoris Dei & hominis, Domini nostri JESU CHRISTI, in sangine & morte ipsius, qua nos reconciliavit æterno Patri, & delevit chirographum iniquitatum nostrarum æterna redemptione inventa.

Insuper credo legalia omnia veteris Testamenti, quæ Christum figurabant, ipso adveniente cessasse, servarique non posse, jam promulgato Evangelio, sine interitu salutis æternæ. Novæ aurem legis septem esse profiteor Sacramenta; nimirum Baptifmum, Confirmationem, Eucharistiam, Ponitentiam, Ordinem, Matrimonium, & Extremam unctionem; quæ gratiam conferunt dignè su-mentibus, & persiciuntur verbis ut formå, & rebus ut materià, & ministro qui facere intendat quod facit Ecclesia. Credo quoque & approbo facros Ritus, in solemni eorum administratione. Recipio & admitto, quidquid de illis Sancta & Catholica Romana Ecclefia docer & prædicat-Firmissimè assero, quod si verè ponitentes in Dei charitate decesserint, antequam plenè satisfecerint Divinæ Justitiæ, eorum animæ pænis Purgatorii post mortem purgabuntur, à quibus tamen pænis relevari possunt per sidelium vivorum fuffragia,per Millarum fanctum Sacrificium, orationes, eleemofynas, & alia pietatis officia, lecundum Ecclesiæ instituta. Illorum verò animas, qui post Baptismum, vel nullam peccati maculam contraxerunt, vel à contractis plene purgati funt, in cœlum mox recipi affero, & Deum sicuti est, clarè intueri; magis tamen vel minus perfecte, pro meritorum diversitate. At eos qui decedunt in peccato mortali actuali, vel in folo originali, mox in inferno descendere ajo; disparibus tamen pœnis perpetuò puniendos.

Apostolicas & Ecclesiasticas traditiones, cæterasque observationes, & constitutiones ejusdem Ecclesiæ, firmiter admitto & amplector.

Itemque Sacram Scripturam, juxta eum fenfum quem tenuit, & tenet Sancta Mater Ecclefia, cujus est judicare de Scripturarum interpretatione; omnesque Cauonicos ejustem libros suscipio, quos ipsa Catholica Ecclesia probat & suscipit.

Amplector item, suscipio, & approbo Sacro-sanctas, eecumenicas & orthodoxas Synodos, quas Apostolica Sedes approbat, suscipit, & amplectitur, videlicet Nicanum primum adversus Arium, Constantinopolitanum adversus Macedonium, Ephesinum adversus Nestorium, Chalcedonensem

Hhhhhh 3 as

Dioscorum Alexandrinum.

In his quatuor primis Conciliis, velut in quadrato lapide, sanctæ Fidei structura consurgit.

Hæc cum Magno Gregorio, sicut Sancti Evangelii quatuor libros, ita fuscipere & venerari me fateor; fed & alia Concilia universalia, pari reverentia & æquali approbatione, cultodio; nempe secundum & tertium Constantinopolitanum, adversus hæreses Petri, Anthimi, Severi, Sergii, Pauli, Theodori, & aliorum; secundum quoque Nicanum, adversus Iconoclastas; quartum Constantinopolitanum adversus Photium ejus-dem Civitatis pseudo-episcopum. ... Schismatis primum auctorem; quinque Lateranensia celeberrima, adversus schismata, variasque hæreses & errores; duo Lugdunensia, unum universale contra varias item hæreses & schismata; unum Florentinum, contra errores Græcorum; ac novissimum Tridentinum adversus nostrorum temporum novatores.

Has omnes Synodos totà devotione complector; quidquidillæ approbant, approbo; quidquid damnant, damno, respuo, abominor, & in

fempiternum rejicio. Doctores & fanctos Patres, quos approbatSan-

Eta Romana Ecclesia, reverenter sustineo, &

integerrimà veneratione revereor.

Romanum Pontificem in universum orbem tenere primatum, & ipsum successorem esse D. Petri Christique Vicarium confiteor; ac ipsius ordinationibus, præceptis, censuris me semper & fideliter, absqueulla tergiversatione, obtemperaturum promitto.

Hærefes ab Ecclefia damnatas & anathematizatas, ego pariter damno & anathematizo.

Hanc autem Catholicam sidem, sipe quâ nemo falvari potest, quam in præsenti sponte profiteor & veraciter teneo; eamdem integram & inviolatam, Deo adjuvante, usq; ad extremum punctum retinere & custodire, spondeo, voveo, & juro.

Hanc femper tenui, docui, & prædicavi; hanc femper tenebo, docebo, & prædicabo; hanc doceri & prædicari ab omnibus, quantum in me

erit, procurabo.

Si quid autem à me dictum vel scriptum est aliquando, quod cum hac fide & doctrina non confentiat (quod certe sciens ac prudens nunquam feci) id pro non dicto & pro non scripto haberi volo. Et si deinceps tale quidpiam, præsertim in graviori morbo, ore proferam; id ex nunc abominor & retracto, & ex animi mei sententia

adversus Eutychem Archimandritam & impium | id nunquam proficisci posse declaro, Dei optimi maximi favente gratia, fine qua nihil fum, ni-hil possum. Caterum pro hac fide millies mori paratus fum, idque vehementer peropto; non meis viribus confisus, sed Dei fretus misericordia; qui cum dederit mihi hanc voluntatem, dabit & constantiam atque perseverantiam, ob suam infinitam bonitatem.

> Hâc folemni fidei protestatione præmisså,cum ingenti fiducià ad aram divinæ misericordiæ confugio, ut veniam consequar de peccatis meis; quæ tametsi gravissima sint '(Tu solus Deus ea discernis) & multa nimis, major est tamen benignitas Dei, quam fint omnes omnium hominum iniquitates, ab initio mundi usque ad finem. Et ego quidem omnia peccara, quæ commisi die à quo primum peccare potui,usque ad hoc punctum,odi & deteftor; meque prorsus prenitet ex toto corde, quod Dominum meum offenderim, quem amo super omnia; firmiterque propono amplius non peccare, & omnes peccandi occasiones devitare-

> Tu verò, Domine mi, cui proprium est misereri semper & parcere, reminiscere miserationum tuarum & mifericordiarum tuarum quæ à fæculo funt. Delicta juventutis meæ & ignorantias meas ne memineris, & ne statuas coram te : sed averte faciem tuam à peccatis meis, & respice in faciem Christi tui, in faciem dilecti Filii, pro me pendentis in cruce: ille enim ut me redimeret tradidit in mortem animam fuam, & digniffimus est in quem respicias, quia ille pro meis & pro peccatis totius mundi, justitiæ tuæ copiolissimè fatisfecit.

> Hujus meritum affero ad te, in hoc folo meam fpem & omnem fiduciam defixam habeo. Hæc est justitia mea & satisfactio mea, redemptio mea & propitiatio mea. Meis meritis onustus, cle-mentissime Pater, iis meritis nimium consido quibus negare nihil potes. Accipe itaque spiri-tum meum, quâcumque hord illum repetere volueris, non contemptibilibus auro & argento, sed pretioso sanguine Filii tui redemptum.

Exaudi, Domine; placare, & fac, ô utinam nunquam peccassem! ô utinam omnes dies vitæ meæ in bonis operibus Deoque placitis actioni-bus transegissem! O si dies perditos revocare possem, aliamque vitam inchoarem! Quam vellem diligenter vel minimum defectum evitare, perpetuam innocentiam illibatam custodire! Sed, proh dolor ! præterierunt dies mei, nec ampliùs revocari possunt, solaque temporis jactura irreparabilis est. Quoniam itaque nulla ad præscriptum est potentia, omnibus viribus animæ meæ avertens me ab omni temporis successione, ab omni locorum circumscriptione, in tranquillissimum æternitatis statum me confero; in quo Deus essentialiter existit, in quo nihil est præteritum, nihil suturum; in quo omnia deperdita reperiuntur. Hic me elevans super omnem creaturam, totusque in Deum transssus,omni illo tempore, (quod ab initio mundi usque adsinem sa culi devolvitur) tam laudabiliter vixisse vellem, tam purè & obedienter, sicut omnes usquam homines vixère, in omni virtutum exercitio, in omni afflictione, paupertate, desolatione, labore, & operatione.

Hanc aurem yoluntatem omni momento renovare intendo, futurum confidens, ut benignissimus Dominus, qui voluntatem timentium se facit, hoc animi mei votum respicere & acceptare dignetur. Quamvis autem pro peccatis meis abundantissimam Redemptoris mei satisfactionem obtulerim æterno Patri, ipsi tamen pro illis satisfacere cupio in hac vita ex rigore justiciæ, hic uri, hic secari desidero; ad omnia slagella, ad omnia mala poenæ toleranda, ad iram Domini portandam paratus, quoniam ei ossensimome meæ multiplicatæ sunt. Omnia enim possum in eo qui me consortat, qui etiam facit cum tentatione proventum, ut possim sustinere, & in vita suæ misericordiæ

Omnia peccata quæ tam in seculo quam in Religione, reus promissionis in baptismate factæ, & votorum monasticorum sacrilegus prævaricator, admisi; generali confessione, tum alias sæpè, tum hoc ætatis meæ trigefimo septimo viren re anno, die secunda Augusti, vigesimo scilicet professionis meæ, in Congregatione S. Bene-dieti Ordinis Cisterciensis, anniversario, divinâ opitulante gratia, expiavi ; nihilque adhibita omni morali diligentia, scienter omisi, quod clarè, ut debui, non explicavi. Imò, si cognovissem id Deo placitum fore, universa delicta mea, & hic agillatim describerem, & coram omni populo in viis & plateis altà voce confiterer; ut qui judicat aliquid de me, aliter quam fit in me, ex eo quod foris apparet, manifeste cognosceret, quod fordibus inquinatus fim, quibus dignus fum omni pœna, omni ignominia, omnique honore & consolatione indignus. Quod si inadvertenter vel ignoranter omisi aliquid, id ut suggerat memoria, Salvatorem meum enixè precor, qui scirio si si incipianti precor, qui scirio si si incipianti precore della suggestione della s scit insipientiam, & à quo delicta mea non sunt abscondita, ut Sacramentali confessione eluere,

fcriptum est potentia, omnibus viribus animæ meæ avertens me ab omni temporis successione, ab omni locorum circumscriptione, in tranquil-lishmum æternitatis statum me confero; in quo Deus essentiatis statum me confero; in quo Deus essentiatis, in quo nihil est præte-

Et quis potuit, suffifpeciali lumine desuper illustratus suerit, omnes latebras conscientiæ tam diligenter rimari, quin in tanta scelerum multitudine aliquid essugiat quærentis sollicitudinem?

Dilitta quis mielligir, inquit Propheta! ideò confequenter cum eodem quotidiè pfallo, Ab occultis meis munda me Domine, & ab alienis parce fervo tuo.

Quia verò scriptum est, Dimittite, & dimittetur vobis; ut hæc verba Domini ad me quoque pertineant, omnibus inimicis meis, qui malà voluntate erga me sunt vel suerunt, qui me verbo vel sacto quocumque modo offenderunt, ex toto corde verissimè ignosco; & omnem injuriam remitto; si quid mihi de bono same debeant, illis omninò, in quantum possum, condono; ac eosdem intimè diligo; slexisque genibus Deum precor, ut eis in omnibus benefaciat, & pro insamia, qua me læserunt, honorem, pro detractionibus, bonam samam, pro odio, sanctissimum amorem suum; & pro omnibus malis mihi irrogatis, bona temporalia, saluti corum utilia, suo tempore etiam retribuat. Frattes mei sunt; si oporteret, vitam pro illis libentissimè profunderem, eisque servire in omnibus, & omnem eis exhibere charitatem,, cum Dei adjutorio, spondeo & juro.

Ab illis autem, quos ego aliquando offendi, aut verbis aut factis læsi, quos scandalizavi & ad peccatum induxi, veniam humillimè peto; ipsos rogans & adjurans, per vulnera patientis Dominimei Jesu Christi, ut omne debitum dimittant, meque in servum recipere dignentur, paratissimum ad omnem injuriam, per me illis illatam, justa satissactione compensandam.

Ad mortem alacriter subeundam me Deo promptum offero, quocumque loco, qualicumque modo ipse voluerit. Dominus est: faciat in me, & de me voluntatem suam. Et si ego possem mille adhuc annis in omni voluptate vivere; pro Dei amore mortem potius subire vellem. Et si liceret mihi, genus, tempus & locum mortis pro libito eligere; id nihilominus nullo modo præsumerem; quia nihil volo, nihil desidero, nisi Divinum beneplacitum, cui me in omnibus & per omnia subdo.

Unum dumtaxat rogo, ut Sacramento pœniten-

tiæ purgatus, sacro refectus Viatico, & Oleo san- (disse (quod Deus per suam pietatem avertat) êto inunctus hinc discedam : quocircà hæc Sacramenta toto cordis affectu, totà mentis devotione postulo, ut juxta ritum Catholicæ Ecclefiæ mihi in extremis ministrentur; ut totus corum virtute & efficacià à peccatis emundatus; Divinæque grațiæ munitus præsidio, insidiantes mihi holtes succutere, & ad Deum victor

valeam pervenire.

Quià verò à summis Pontificibus, Christi Vicariis, quibus data potestas est ligandi atque solvendi, tum Ordini nostro generaliter, tum mihi specialiter ab URBANO VIII. sanctæ recordat, & ab INNOCENTIO X. nunc feliciter regnante, concessa est benedictio ampliffima & plenaria indulgentia in articulo mortis; hanc mihi applicari, ac uti & frui volo; ut labiis purus, & ab omni culpa & pæna abfolutus, divino conspectu, Christi suffragante gratia, poffim gaudere. Fiat voluntas Dei: omne enim defiderium meum, fatisfactionem tam animæ quam corporis, Divino beneplacito fubmitto; paratus illi obsequi in tempore & æternitate. Verum in hoc catu omnia prædicta spiritualiter recipere intendo; sperans & confidens per magnam misericordiam Dei, me tune in gratia & amicitia ejus moriturum; in qua si moriar, beatus sum & benè

Omnem quamcunque infirmitatem Deus miferit, quamtumvis gravem, fcedam,& dinturnam, patienter ferre (Deo favente) propono, cupiens cum Christo affligi, cum Christo in Cruce mori; defideranique corpus infirmum, & laxam animam meam, ex nunc, cum ejus afflicta anima & membris pro me laceratis uniri, ea Deo Patri offerens in latisfactionem pro peccatis meis, & ad omnia quæ tunc temporis necessaria mihi fuerint impe-

Tentationibus dæmonum, quæ morientis animam apprehendere folent inter angustias, divina gratia me custodiente, nullatenus confentire intendo, five fint spei longiorisvitæ, five infidelitatis, vel desperationis, aut nimiæ fiduciæ, vel cujuscunque alterius rei ; illis autem oppono ex nunc Crucem & Pallionem Domini Noftri JESU CHRISTI, intercessionem B. MARIÆ Virginis & omnium Sanctorum , corum præcipue, sub quorum tutela vivo; Angeli mei Custodir affistentiam, & Fratrum meorum orationes, quibus me devotè commendo : quod fi fortafsè ex pufillanimitate spiritus, ob terribilitatem divini judicii, vel ex debilitate rationis, me in aliquam tentationem inci-

verbo vel facto indicavero ; hoc ipfum nunc , fanæ mentis existens, revoco, detestor, & irritum fore, &pro non dicto aut pro non facto haberi volo; submittens me totaliter divinæ ordinationi & pietati-

Animam meam, in egressu suo è corpore, & post ipsius exitum & separationem, quanta postum submissione & humilitate, Deo Patri commendo, ejusque Filio Jesu Christo, & Spiritui Sancto; atque ideircò procumbens ante thronum misericordiæ iptius, indulgentiam ejus fulis lacrymis postulo, velut positus in articulo mortis. Succurre mihi, piistime Domine, in hâc horâ, & ne respicias peccata mea ; nec me finas in peccatis perire, quem creavit dextera tua. Memor esto verbi tui servo tuo, in quo mihi spem dedisti. Tu enim dixisti per os Prophetæ tui benedicti, quod in quacumque hora reversus fuerit peccator à viis suis malis, omnes ipsius iniquitates traderes oblivioni. In hac spe fingulariter constitutus, audeo oculos levare meos ad te, qui non fum dignus respicere altitudinem cœli præ multitudine iniquitatum mearum. Jube me, Domine, à fanctis Angelis suscipi, & ad patriam Paradifi perduci, quam generi humano per Crucem & Passionem tuam dilectus Filius tuus acquisivit; non in meis meritis (quæ nulla funt) nec in justificationibus meis, precans postulo ante faciem tuam; sed in miserationibus tuis multis confido, & in sanguine Domini mei Filii tui JESU CHRISTI.

In hoc confido, & non erubefcam; in hoc spero, & non confundar. Benedic mihi, JES.a amantissime, & nunc in pace dimitte me; quoniam tuus ego fum , & in æternum non dimittam te. Quis jam me poterit à tua charitate separare? Tu salus mea, quem timebo? Tu protector vitæ

meæ, à quo trepidabo?

Et ecce ad te venio, quem amavi; ad te pro-pero, quem defideravi: in te vivam, in te mo-riar; in te, si volueris, in æternum permanebo. Ofi totus in te mergi, totus absorberi, & sepeliri in te volens, moriar ! O si anima mea, inter amplexus tuos suaviter requiescens, tota absorbeatur in te, & felicissime fruatur te Deo, amatore meo! Quid mihi jam ultrà cum mundo, mi chariffime Jusu? Ecce nec in celis quidquam volui præter te. In manus tuas commendo spiritum meum. Respice in me dulcis amor, ut in acternum bene sie mihi in te, & in pace tecum obdormiam & requiefcam.

Sonet

Sonet in auribus mentis meæ vox illa jucunda, vox illa dulcissima, vox illa beatissicans: Hodie mecum eris in Paradilo. Suscipe me, Jesu Crucifixe, inter amorosa brachia tua, quæ pro me in cruce extensa cerno & complector. Suscipe me inter desiderabiles amplexus tuos, & trahe ad te animam meam. Suscipe me, bone Jesu, in misericordia tua; suscipe in pace spi-

ritum meum. Amen.

Et tibi quoque Beatissima Virgo Maria, ma-ter misericordiæ, Regina mundi, consolatrix afflictorum, refugium peccatorum, salus pereuntium, tibi, tibi, fons pietatis, in hac hora tremenda, commendo animam meam. Adjuya me trepidantem, cadentem subleva, errantem dirige, consolare desolatum. Impetra mihi à dilecto filio tuo misericordiam, quam semper optavi. Tu me semper in omnibus periculis clementer adjuvisti, mitissima Mater; ne me deseras in hoc ultimo discrimine constitutum, à quo pendet æternitas. Monstra te esse matrem, & loquere pro me bonaad Filium tuum; ut recreet me jacentem in umbra mortis. Fac, ô Benedicta,per gratiam quam meruisti, per animam quam peperisti, ut qui te mediante fieri dignatus est particeps infirmitatis & miseriæ nostræ, te quoque intercedente participem me faciat gloriæ & beatitudinis suæ Jes us CHRISTUS Filius tuus Dominus noster.

Sancte Michael Archangele, qui venisti in adjutorium populo Dei, Princeps militiæ cœlestis, qui divina virtute diabolum contrivisti, subveni mihi apud altissimum Judicem, & eripe me ab immundorum spirituum insidiis, & perduc ani-

mam in locum refrigerii & quietis.

Et tu, Angele sancte, cujus tutelæ & custodiæ ego indignissimus peccator commissus sum, astifte mihi in hoc puncto, & omnem fatanæ potentiam à me procul expelle. Apprehende arma & feutum, & exurge in adjutorium mihi. Salva me ex ore leonis, & à cornibus unicornium humilitatem meam. Educ me de laqueo, quem absconderunt mihi, & restitue à malignitate corum animam meam.

Subvenite mihi & vos, Patroni mei & tute-lares Sancti. Tu Joannes Præcutfor Christi, animus sponsi, vox Divini Verbi; rectas sae semitas meas, & dirige in conspectu Domini viam meam. Tu Claviger Regni cælestis, Apostolo rum Princeps, beatistime Petre, pro tradita tibi potestate, solve vincula peccatorum meorum, &

aperi mihi januam Paradifi.

Tu Joannes Evangelista, qui de sacrario Dominici pectoris ineffabiles divitias divinæ luavitaris haufisti, illustra tenebrosam animam meam, affictam recrea, milique impetra in egrefiu meo ardentissimæ charitatis affectum.

Tu gloriofiffime Monachorum Pater Benedi-He, ne mihi imputes ad damnationem Regulæ tuæ transgressiones, de quibus doleo quantum possum, sive ex malitia illæ fuerint, sive ex hu-

manâ fragilitate.

Vos decus & capitaOrdinisCisterciensis S. Roberse, S. Alberice, S. Stephane, S. Bernarde, qui me arborem infructuosam jam per multos annos in hac vineâ vestrâ adeò patienter sustinuistis, expectantes à me fructus, quos non nisi amarissimos parturivi, ah! ne me deseratis in hac hora; filius enim vester ego sum, tametsi hoc nomine nequaquam dignus. Tu fortillime Christi Martyr & sanctissime Papa Stephane, in cujus die natali per secundum Baptisma in solemni votorum nuncupatione renatus fum; Tu me respice ab alto & constantiam impetra in hoc certamine, ac de hofte tartareo gloriofum triumphum.

Vos reliqui Sancti & Sanctæ, quos speciali devotione veneror. S. Arfeni, S. Thoma de Aquino, S. Catharina Virgo & Martyr, S. Magdalena, postremam luctam meam precibus vestris adjuvate. En ego flens, gemens, & suspirans, quia manus Domini tetigit me. Jam mihi præteriit mundus; jam mihi tempus elapfum est, & quod hactenus operatus non sum, nunquam amplius operabor: jam mihisese offerunt ante oculos res novæ & extremæ, de quibus anteà non cogitaveram; mors mihi in oculis est, jam scelerum meo-rum longe gravissimorum seriem audio publicari: jam parat fe Judex ad fententiam inappellabilem pronunciandam, vitæ & mortis sempiter-næ. Ah! non me deserite in his summis angustiis meis. Si quid unquam feci, quod vobis gratum fuerit, pro me supplices procumbite ante Dominum, & meum mihi Judicem conciliate: quatenus, vestra placatus intercessione, ad veram beatitudinem me perducat, in quâ vos cum ipfo regnatis in sæcula sæculorum. Amen. Corpus meum, egresså animå, sepulturæ man-

dabitur in communi Monachorum sepulcro, ad beneplacitum Superiorum, quibus me & omnia mea committo. Rem temporalem non habeo de quâ disponam; pauper enim sum & nudus Monachus; & si videor aliquos libellos possi-dere, mihi in usum permissos à superioribus meis, ergà istos tamen & exiguam meæ cellulæ 111111

fupellectilem, & ergà vestes quibus induor', nullum affectum proprietatis per gratiam Dei habeo; paratus his omnibus me expoliare, adomnem vel minimum nutum cujuslibet Superioris mei. Precor autem Abbatem seu Priorem, in cujus Monasterio moriar; &, si contingat me mori dum Præslati munus indigne exerceo, rogo Fratres meos charissimos, ut vestem minislareiram ob Dei amorem in eleëmosynam largiri dignentur, ut eå involutum corpus meum terræ consignetur è qua sumptum est, in terram reversurum, donec in novislimo die resurgat, cum venerit Dominus ad judicandum.

Suffragia item quæ fieri solent, precor ut fiant quàm citissimè pro miserà anima mea, tàm in Missis quàm in Ossiciis, &t consueta eleamosyna, & si quis aliqua supererogaverit, non ero ei ingra-

tus in conspectu Domini mei.

Scripta mea & libri, quos Deo inspirante composui, & ea omnia quæ vità comite deinceps componere intendo, si nondum impressa fuerint cum moriar, peto ut remittantur amicis & Dominis meis Superioribus qui tunc fuerint, vel his quos ego moriturus nominabo, fi spatium temporis competens id præstandi habuero; ut si eis videbitur, ad Dei gloriam, & proximi utilitatem, ea typis mandari curent; præmissa præfatione, in qua lector admoneatur, me omnino scripta mea Sapientum correctioni ac S. Romanæ Ecclefiæ centuræ fubmittere, in cujus fide & vivere & mori volo. Si verò accidat, ut meze qualefcumque lucubrationes, post meum decessium, in lucem prodeant; obtestor eos qui id curabunt, ne quid magnifice de me milerrimo & stultissimo peccatore præfari velint; fed fimpliciter dicant me talia feripliffe ad Dei gloriam, ut me ipsum infiruerem ad virtutem; nihilque boni in illis conxineri, quod acceptum non fit à fanctis Patribus & Doctoribus Orthodoxis, vel exantiquis Philofophis ethnicis, qui multa nobis utilia documenra reliquêrunt, & ab aliis scriptoribus, è quorum buenbratione meos tractatus omnes concinnavi.

Quod si per multos annos, quæ mea juvenilis est actas, à Deo prorogata fuerit, & longius spatium poenitentiæ mihi concessium; protestor & declaro, me velle omnino mores meos mutare in melius, & vitam perfectitis instituere, omnemque horam & momentum in sanctis & Deo placitis operibus sutagere. Tu Domine, qui hanc voluntatem dedisti servo tuo, tribue gratiam perficien-

di quod te donante propono.

Ecceenim provoluțus ante Majestatem tuam,

di ad te, quoniam fortitudo mea & refugium meum tu es, & propter nomen tuum deduces me, & diriges me in semitam rectam, ut custodiam mandata tua. O quam me poenitet, quod hactenus tam negligenter vixerim; quod tem-pus mihi concessium ad promerendam gratiam tuam, in rebus vanis & inutilibus confumplerim; quòd in currendà vià mandatorum tuorum adeo piger & remiffus fuerim; quod vota mea, quæ diftinxerunt labia mea, tam frequenter prævaricatus sim; quod varias & multiplices corporis infirmitates & animi afflictiones, quibus me fervum rebellem & contumacem erudire & exercere dignatus es, non ea, quâ par erat, patientia & refignatione sustinuerim, & mentem obdurans servili nequitià ad paterna flagella clementiæ tuæ cervicem substuli. Retinebant scilicet me nugæ, vanitates, & ludibria terræ; teque relinquens fontem aquæ vivæ, fodiebam mihi cisternas dislipatas, quæ continere non valent aquas. Et nunc, Domine, recogito dies meos in amaritudine animæ meæ, & confiteor dedecora mea in laude tuå, quia eruisti animam meam ex inferno inferiori, & conversus consolatus es me. Nullum enim remedium superest salutis & emendationis, nisi ut levem ad te, Domine, oculos meos, quia imperfectum meum viderunt oculi tui. Memento quæfo animæ meæ, aftende gemitum meum, & da mihi virtures sanctas, quæ tibi placent. Da in bono perseverantiam, da mihi assimilari tuæ sanctissimæ Humanitati, tuæ Divinitati intime uniri, & ad altiflimum perfectionis gradum pervenire.

Gratias ago, tibi benignissime Pater, ob universa benesicia tua, quod me creaveris ad imaginem & simulitudinem tuam, quod me hactenus conservaveris, quod me sanguine tuo redemeris, quod me toties ad pœuirentiam expectaveris, & à tot malis & peccatis præservaveris; & tot bonis gratiæ & naturæ, totque occultis, quæ ipse non cognosco, cumulaveris; quod præsertim ad sanctæ Religionis perfectionem me vocaveris, mihique immensam in cælo gloriam præparavetis.

Ideo, quoties respiro, toties te laudibus celebrare intendo, quibus te laudaverunt & laudabunt omnes creaturæ tuæ, ab initio mundi usque in æternum, & laudibus omnium Angelorum & Sanctorum, Beatissimæ Virginis Matris tuæ, & sacratissimæ Humatitatis tuæ, his quæ continentur inveteri & novo Testamento & in omnibus sibris mundi; easque laudes tibi dare

& offerre desidero, quibus dignus es, & quas tibi denegant omnes impii & scelerari. Et quia affectus meus insufficiens est ad te dignè collaudandum, offero tibi insupplementum meæ imperfectionis, omnium Angelorum voluntares, omnium corda, omnium rerum motum & essentiam, omnes ignotos affectus Beatislimæ Virginis

& omnium Justorum. Offero tibi insuper animam meam & corpus meum, oranes cogitationes, verba, & opera; quidquid habeo, quidquid cupio, quidquid fum. Offero tibi omnes divitias & regna mundi; & fi hæc omnia solus haberem, libentissimè omnia dimitterem propter te, & omnes facultates pauperibus distribuerem; offero tibi omnes infamias, dedecora, vituperium, omnes afflictiones mentis & corporis, quæ fuerunt & funt ab initio mundi ulque ad finem, paratus hæc omnia pati & tolerare propter te, fi tu volueris. Offero tibi quidquid cogicatum, dictum, & factum eft, vel cogitari, dici,fieri debet & potest à cunctis Angelis & hominibus, & ab aliis infinitis, quos potes creare; summe desiderans hac omnia propter te, & alia plura cogitare, loqui, & perficere per gratiam tuam, fine qua nihil possum, nihil sum. Adjuva me, Domine, qui scrutaris renes & corda. Tu nosti quam verè & ardenter hæc cupiam; nam ante te est omne desiderium meum, & gemitus

meus à te non est absconditus. Procul, procul à me omnis terrena delectatio; procul omnes amici & fodales; procul omnes civitates & castella, omnes montes & valles, omnes rivuli & fontes, omnia flumina & maria, omnes campi & sylvæ, omnia nemora & prata, omnes volucres cœli & pifces maris, bestiæ & universa pecora, & omnis prorfus creatura. Procul omnes cantifenæ, omnia musica instrumenta, omnes flores & odores,omnia convivia & colloquia,omnes honores & favores, omnes ludi & discursus, omnes deliciæ & inutiles occupationes. Procul omnes divitiæ & dignitates. His omnibus, Domine, & cæreris quæ in mundo funt, abrenuncio propter te. Quid enim mihi est in cœlo, & à te quid volui super terram? Deus cordis mei, & pars mea, Deus, in ærernum.

De cætero, Fratres mei dilectifimi, qui refidui critis & supervivetis in hac valle lacrymarum, memores estote judicii mei, sic erit & vestrum. Mors omnibus communis est: illeautem beatus vocari debet, qui omnem diem vitæ suæ tamquam postremum transigens, quotidie moritur, ut supervivat; quotidie vivens descendie in

infernum, ne descendat post mortem; vitamque suam ad præscriptum divinæ legis sie instituit, ut omni momento paratus sit mori. Sie facite, dilectissimi; mortem omni hora suspectant habete: obedientiæ insistite usque ad sinem vitæ: de momento in momentum sub divinæ voluntatis ordinatione satagite, ut per bona opera certam faciatis vocationem vestram: pacem habete, persecti estote, & Dem pacis vobiscum maneat. Amen.

Hæc est voluntas mea ultima, quam Dei frestus auxilio nunquam mutabo: hanc renovare intendo omnibus diebus omnique momento vitæ meæ. Tu, Deus, qui das velle & perficere, conferva hanc voluntatem in me, erige desicientem, atque etiam rebellem propitius ad te compelle voluntatem; exure in me samma Charitatis omnem proprietatem, resca ferro tribulationum, omnem dislimilitudinem spiritus mei à spiritut tuo, omne quod tibi contrarium est à me prorius eradica; argue me in virgâtuâ, ut, chm venerit extrema dies, nihil in me remaneat igne pursandum.

Verumtamen augens dolorem, auge & patientiam; ne deficiat in malis vita mea. Dum juste irasceris, memor esto miserationis tuæ; & dum superbum provocantem corripis, ne despicias miserum invocantem. Quis enim poterit virgam correctionis tuæ sustinere, nist tu, qui sic purgas quem amas, tolerandi vires subministras. Memento itaq; quod sicut lutum seceris me; & sic renova, sic expurga, sic persice sigmentum tuum, ut non desciat.

Ego fum mifer homo ille, quem tu, potentiffime Deus, creasti propter te ipsum, & ad te ipfum. Ego fum mifer homo ille, quem tu fanguine pretiofissimo Filii tui misericorditer redemisti. Ego sum miser homo ille, quem tu salvare potes secundum abyffum misericordize tuz. Domine Jesu, fanctifica me; & per illam antaricudinem quam substinuisti propter me in cruce,maximè in illà horà, quando anima tua egressa est de corpore tuo, miserere animæ meæ in egressu suo. Fac mecum fignum in bonum, ut videant, qui oderunt me, & confundantur, quoniam tu Domine adjuvisti me, & confolitus es me. Concede mihi, dulciffime Jasu, ut Corpus tuum pretiofiffimum fit mea finalis refectio : gloriolifimum nomen tuum, quodest Jesus, fit mea finalis locutio. Imprime cordi meo omnium vulnerum tuorum acerbiffimam patlionem, uni voluntatem meam cum fanctiffimo beneplacito tuo; ut nihil alind optare pollim, quam quod to vis. Iiiiii 2 Absconde Absconde me in aperto vulnere lateristui, & non timebo mala, ambulans in regione umbræ mortis. Illumina oculos meos, ne unquam obdormiam in morte, nequando dicat inimicus meus, prævalui adverfus eum. Locutus fum in lingnå meå, notum fac mihi Domine finem meum, & numerum dierum meorum, quis eft, ut sciam quid desit mihi. Dirupisti, Domine, vincula mea, tibi facrificabo hostiam laudis, & nomen Domini invocabo. Periit fuga à me, & non est, qui requirat animam meam. Clamaviadte, Domine, dixi, Tues spes mea, portio mea in terra viventium. Veni Domine Jesus veni, & noli tardare, relaxa facinora mea. Solve vincula, educ vinctum de domo carceris, de lacumiferiæ, & de luto fæcis. Expectans expectavite, intende mihi & exaudi me. Ostende mihi faciem tuam, quam Angeli semper vident; fonet vox tua in auribus meis, vox gratiæ & remissionis, vox jucunditatis & lætitiæ. Recipe me ab hominibus : tempus enim est, ut revertar adte, qui folus es principium meum, finis meus, centrum anima mea, unicum solatium meum, satietas mea, requies spiritus mei, Deus meus & exaltans caput meum, qui vivis, & regnas, laudabilis & gloriofus & superexaltatus in sæcula fæculorum.

Actum Afte, in Monasterio Sancta Maria Confolationis, Congregationis reformatæ S. Bernardi Ordinis Cifterciensis, per manum mei JOANNIS Monachi peccatoris, qui professus fum vivere sub Regula sanctissimi Patris Beneditti, regnante Domino nostro Jesu Christo, anno ab ejus falutifera Nativitate M. DC. XLVI. die x. Octobris, incipiente anno ætatis meæ xxxvIII. Indict. xIV.

FR. JOANNIS à S. Catharina, cognomento BONA. Postez verò S. R. Eccl. CARDINALIS.

ORATIO

Ejusdem ad S. S. TRINITATEM.

O Summa TRINITAS, una Virtus, in-discreta Majestas, Vnitas in substantia, Trinitas in Personis; numerabiliter innumera-bilis, mensurabiliter immensurabilis, invisibilis , ineffabilis, admirabilis , incomprehenfibilis : Deus magnus fine quantitate, fine qualitate bonus, sine tempore sempiternus, sine situ ubique

fine extensione, fine indigentia omnia creans, sine motu omnia movens; in magnitudine infinitus; fummus in bonitate, in virtute omnipotens, in fapientia inæstimabilis, terribilis in confiliis, in verbis verax, in operibus fanctus, justus in judiciis, copiosus in misericordia, patientissimus ergà delinquentes, piissimus ergà pœnitentes; cui nec præterita transeunt, nec futura succedunt; cui nec origo initium dedit, nec tempora dant incrementum; quem nec spatia dilatant, nec voluntas variat, nec mœsta perturbant, nec læta demulcent; Deus sanctorum Spirituum & cunchæ carnis, à cujus conspectu tremit cœlum & terra, cujus nutui obediunt elementa; vita vivificans me, lumen illuminans me. Aperi mihi clamanti portas justitiæ, & ingressus in eas confitebortibi. Te adoro, te laudo, te glorifico labiis & corde, omnique, quâ valeo, virtute, te benedico; & procumbens humiliter sub pedibus magnificentiæ tuæ, gratias ago tibi, qui per illu-ftrationem gratiæ tuæ illuminasti me, & per matris Ecclefiæ documenta in fide tuå confirmafti me. Et unde hoc mihi, factor cœli & terræ, qui bonorum meorum non eges, unde mihi hoc quod amasti me ? Quid tibi dedi, & retribuisti? Ubi eram antequam fierem, & ut inciperem bonum ! Sed tuâ gratia factus fum, & innumerabilibus donis tuis honoratus sum. Perfice ergo me, qui fecisti me: perfice usque ad formam plenam imaginis tuæ & similitudinis, ad quam formasti me. Te invoco, O beata TRINI-TAS, ut venias in me, & templum me facias dignum gloriæ tuæ. Rogo Patrem per Filium, rogo Filium per Patrem, rogo Spiritum San-Etum per Patrem & Filium, ut omnia vitia elongentur à me, ut omnes sanctæ virtutes plantentur in me. Deus immense, à quo omnia, per quem omnia, in quo omnia facta sunt; custodi me, opus manuum tuarum, in te sperantem & in tua folummodo misericordia confidentem. Cu-Itodi me quæso, hic & ubique, nunc & semper, intus & foris, ita ut in me nullus pateat locus infidiis inimicorum. Ad te, beatifima TRINI-T As, anima suspirat; quoniam à teinfelieiter exulat. Discedens à te quantis se intricavit erroribus, doloribus, timoribus? Cor meum conturbatum est, & indè dolor : dereliquit me virtus mea, & inde pavor; lumen oculorum meorum non est mecum, & indè error. Verumtamen in te speravi, Domine, quoniam confitebor tibi, cum error verus à ratione, à voluntate dolor, atque prælens, fine loco ub que totus; omnia implens | à memoria timor omnis recesserit; & successerit

æterna securitas. Eterne Pater ingentte, impassibilis; princi-pium sine principio, auctor bonorum, fons veritatis, ac totius entitatis origo; Deitas tua me totum repleat, ejusque gloriæ participem faciat, quam Filius tuus mihi promeruit, fanctifica me in veritate, ut tui timore & tremore semper stem in conspectu tuo, nec unquam mens mea à te evertatur. Fili unigenite, non posterior nec mi-nor Patre, cique omninò co-æqualis & consub-stantialis; Deus de Deo, lumen de lumine, candor lucis æternæ, Verbum incarnatum, virtus omnipotens; sapientia, quæ ex ore Altissimi prodissi; imago Patris, splendor gloriæ & figura substantiæ ejus; illumina intellectum meum, robora infirmitatem meam, ut te cognoscam & diligam, & tanquam unicum præsi- re, in sæcula sæculorum- Amen,

illa quam spero mira serenitas, plena suavitas, dium meum omnibus præseram. Santtissime Spiritus, à Patre & Filio procedens, utriusque a-mor, & arctissimum vinculum charitatis essentialis, & totius charitatis principium; ignis con-confumens, flamma vitalis, donum superans omne donum, à quo omnia bona in nos descendunt; inflamma voluntatem meam ferventislimo tui amore& constanti charitate : ut te solum quæram, & universa despiciam. Adstringe me Tibi, & Patri, ac Filio; ut nec intellectu, nec affectu à vobis divellar fancta & adoranda TRINI-TAS, Deus meus & omne bonum meum, abrenuntio propter te omnibus mundi pompis & honoribus; detestor omnem carnis, & sensuum voluptatem: anathema divitiis & vanitatibus fæculi; gloria mea hæc fit pro te contemni, mea voluptas tibi adhærere, meæ divitiæ tibi fervi-

Meritorum memoria oblivioni traditur; Ut hac vigeat, Dector, me Testamentumhoc ab Eruditiss. Ant. Magliabechio recepisse scias, cui mecum debes ad beneficium reddendum, ora ut misericors Deus, nonnisi protestationibus hisce pramissis, nos vitam cum morte commutare finat.

TESTAMENTI. FINIS